

## Inatsisissatut siunnersummut oqaaseqaatit

### **Oqaaseqaatit nalinginnaasut**

#### 1. Inatsisissatut siunnersuutip tunngavia

Siunnersuut isertitassatut sillimmasiussat, 2015-imi aningaasanut inatsisissamut ilanngullugit aalajangiunneqartut, aammalu 2016-imi ukiunilu aggersuni aningaasanut inatsisissanik oqimaaqatigiissitseqataasussat piviusunngortinneqarnissaannut ilaalluinnarpoq.

Isertitat aningaasartuutillu piffissami naalakkersuisuuffiusumi oqimaaqatigiinnissaat Naalakkersuisut pingaartitaraat. Inatsisissatut siunnersuut saqqummiunneqartoq oqimaaqatigiissitsinissap taassuma qulakkeerneqarnissaanut pingaaruteqarlunilu pisariaqartuuvoq.

Siunnersuutip siunertaraa sukkulaatit aamma mamakujuttut sukkunit nioqqutissiat akitsutaannik qaffaanissaq, aammalu landskarsip isertitaqarnerulernissaa qulakkeerumallugu qummoroortartut kiisalu snusit sukuluullu akitsuutaannik atuutilersitsinissaq.

Siunnersuut 19 mio. kr.-it missinginik isertitsissutaanerussangatinneqarpoq.

#### 2. Inatsisissatut siunnersuutip imarisai

Sukkulaatit aamma mamakujuttut sukkunit nioqqutissiat eqqussorneqarneranni akitsuutip 100 procentimik qaffanneqarnissaa siunnersuutaavoq. Akitsummik qaffaanerup kingunerisaanik atuinikinnerulernissaaq, taamalu sukkunit nioqqutissianik nerisaqarpallaarnerup peqqissutsimut ajoqusiisinnaasunik kingunerisinnaasaasa ikilinissaat naatsorsuutigineqarpoq.

Ilutigitillugu siunnersuutaavoq nioqqutissat akitsuusersorneqartut amerillugit qummoroortartut kiisalu sukuluut snusillu akitsuutaannik atuutilersitsisoqassasoq.

Qummoroortartut eqqussorneqarneranni akitsuutip fakturami nalingisa 100 procentiannik angissusilerneqarnissaa siunnersuutaavoq, taavalu snusit sukuluullu akitsuutaasa fakturami nalingisa 300 procentiannik angissusilerneqarnissaat siunnersuutaalluni. Snusit sukuluullu akitsuutaasa angissusii tupanit tunisassiat allat akitsuusersugaanerannut naapertuutumik angissusilerneqarput, qummoroortartut akitsuutaasa angissusii isertitaqarnissaq eqqarsaati-galugu angissusiligaallutik.

Aammattaaq siunnersuutaavoq Inatsisartut inatsisaata Kalaallit Nunaanni pinerluttulerinermik inatsimmut aamma Kalaallit Nunaannut eqqartuussisarnermik inatsimmut innersuussineri iluarsiiffigineqassasut. Taakku eqqartuussisarnermik inatsit nutaaq aamma pinerluttulerinermik

inatsit nutaaq 1. januar 2010-mi atortuulermata eqqoqqissaarunnaarput. Ilutigitillugu aalaja-ngerneqarpoq akiliisitsissutit pigisallu arsaarinnissutaasut Landskarsip pisassarissagai.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertai atuuttut</i>	<i>Inatsisissatut siunnersuut</i>
	<p style="text-align: center;"><b>§ 1</b></p> <p>Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, Inatsisartut inatsisaatigut nr. 17, 22. november 2011-mi kingullermik allangortinneqartumi makku allannguutigitinneqarput:</p>
Nr. 2. Sukkulaatit sukkulaatinillu nioqqutissiat suulluunniit (cacao pinnagit), lakridsit lakridsinillu nioqqutissiat suulluunniit, marcipanit marcipaninillu nioqqutissiat suulluunniit, karamelit, bonbonsit, sukkuuaqqat assigisaallu, sukkullit sukkoqanngitsullu kg.-mut 29 kr. 00 øre.	<p><b>1.</b> <i>§ 1, imm. 1, nr. 2-mi allassimasoq ”29 kr. 00 øre” allangortinneqarpoq ima: ”58 kr. 00 øre”.</i></p>
Nr. 9. Tupat, a) tupat aggukkat, cut plug, tupat aseqqorisut assigisaallu, kiisalu tupat allat minnerpaamik 1,5 mm-imik silissusillit kg.-mut 280 kr. 01 øre b) allat kg.-mut 662 kr. 31 øre.	<p><b>2.</b> <i>§ 1, imm. 1, nr. 9, ima oqaasertaqassaaq:</i></p> <p>a) Tupat aggukkat, cut plug, tupat aseqqorisut assigisaallu kiisalu tupat pujullit allat minnerpaamik 1,5 mm-imik silissusillit . . . . . kg.-mut 492 kr. 00 øre. b) Tupat pujullit allat kg.-mut 1.165 kr. 00 øre.</p> <p>c) Sukuluut aamma snusit . . . . fakturami nalingisa 300%-iat. d) Tupat pujoqanngitsut allat. . . fakturami nalingisa 300%-it.”</p>
	<p><b>3.</b> <i>§ 1, imm. 1-imi normutut nutaatut ilanngunneqarpoq:</i></p>

	<p>”27. Qummoroortartut . . . . . fakturami nalingisa 100%-iat.”</p>
§ 5. Inatsisartut inatsisaannik matuminnga imaluunniit Inatsisartut inatsisaat manna naapertorlugu aalajangersagaasunik unioq-qutitsisoqarpat unioqqutitseriaraluartoqarpalluunniit, akiliisitsisoqarnera akiliisitsisoqannginneraluunniit apeqqutaatinnagu, ilunaarutit pigisallu Kalaallit Nunaanni pinerlunnermut inatsimmi kapitali 31 malillugu arsaarinnissutigineqarsinnaapput.	<p><b>4. § 5 ima oqaasertaqassaaq:</b> ”§ 5. Inatsisartut inatsisaannik matuminnga imaluunniit Inatsisartut inatsisaat manna naapertorlugu aalajangersagaasunik unioqqutitsisoqarpat unioqqutitseriaraluartoqarpalluunniit, akiliisitsisoqarnera akiliisitsisoqannginneraluunniit apeqqutaatinnagu, ilunaarutit pigisallu Kalaallit Nunaanni pinerluttulerinermik inatsimmi kapitali 37 malillugu arsaarinnissutigineqarsinnaapput. <i>Imm. 2. Imm. 1 naapertorlugu arsaarinnissutit Landskarsimut pisassangortinneqassapput, soorluttaaq akiliisitsissutit § 4 naapertorlugu angissusilerneqartut Landskarsip pisassari-gai.</i>”</p>
§ 8.  <i>Imm. 3. Kalaallit Nunaanni eqqartuussisarnermi inatsimmi kapitali 5-imi pineqaatisiissuteqarnissamut unnerluussuteqartarnermut aalajangersagaq imm. 1-imi nalunaaruteqartarnermut taaneqartumut tunngatillugu atorneqarsinnaavoq.</i>	<p><b>5. § 8, imm. 3, ima oqaasertaqassaaq:</b> ”<i>Imm. 3. Pineqaatissiissuteqarnissamut unnerluussuteqartarnermut aalajangersakkat Kalaallit Nunaannut eqqartuussisarnermik inatsimmi kapitali 38-miittut nalunaaruteqartarnermut imm. 1-imi taaneqartumut tunngatillugu atorneqarsinnaapput.</i>”</p>
	<p style="text-align: center;"><b>§ 2</b></p> <p>Inatsisartut inatsisaat saqqummiunneqarnermini atortuulissaq.</p>

### 3. Pisortanut aningaasatigut allaffissornikkullu sunniutissai

Siunnersuut 2016-imi ukiunilu missingersuusiorfiusuni 19 mio. kr.-it missinginik landskarsimut isertitsissutaanerunissaq eqqoriarneqarpoq.

Sukkunit nioqqutissiat 15 mio. kr.-it missinginik isertitsissutaanerussangatinneqarput, qum-moroortartunit 3 mio. kr.-it missingi aammalu sukuluunit snusinillu 600.000 kr.-it missingi isertitsissutaanerussangatinneqartut.

Siunnersuut pisortanut allaffissornikkut malunnaatilinnik sunniuteqassangatinneqanngilaq.

#### 4. Inuussutissarsiutinik ingerlataqartunut aningaasatigut allaffissornikkullu sunniutissai

Nioqqutissanik pineqartunik eqqussuisartut nioqqutissat atuisunut pisisartunullu allanut tuniniaqqinneranni akiinik qaffaanissaat naatsorsuutigineqassaaq. Akit qaffakkiartornerisa kingunerisaanik nioqqutissat pineqartut isertitsissutaasarnerisa appariaateqarnissaat naatsorsuutigineqarpoq.

Siunnersuut inuussutissarsiutinik ingerlataqartunut allaffissornikkut sunniuteqangaassangatinneqanngilaq.

#### 5. Avatangiisinut, pinngortitamut inuillu peqqissusiannut sunniutissai

Tupat pujoqanngitsut kræfteqlissutaasinnaunik, soorlu nitrosamininik akoqarput. Snusit sukuluullu akitsuutaannik atuutilersitsinerup atuinermik millisitsinissaa, taamaaqataanillu aamma tupanit tunisassiat pujoqanngitsut peqqinnissamut ajoquisisarnerinik ikilisitsinissaa naatsorsuutigineqarpoq.

Aammattaaq qummoroortartut akitsuutaannik atuutilersitsinerup qummoroortartunik tunisgartarnermik millisitsinissaa, taamaalillunilu pinngortitamut avatangiisinullu iluaqutaanissaa naatsorsuutigineqarpoq.

#### 6. Innuttaasunut aningaasatigut allaffissornikkullu sunniutissai

Akitsuutit qaffaataasa nioqqutissat akii aqqutigalugit atuisunit akilerneqartussangornissaat naatsorsuutigineqarsinnaammat akitsuutit nioqqutissanik pineqartunik atuisunit tamakkiisumik akilerneqartussangornissaat naatsorsuutigineqarpoq.

Siunnersuut innuttaasunut allaffissornikkut sunniuteqassanngilaq.

#### 7. Naalagaaffeqatigiinnermut Namminersorlutilu Oqartussanut tunngasut

Inatsisisatut siunnersuut naalagaaffeqatigiinnermut tunngasunik imaqanngilaq.

#### **8. Oqartussaasunik kattuffinnillu il.il. tusarniaaneq**

Inatsisisatut siunnersuut piffissami 29. juli 2015-imiit 31. juli 2015-imut Inuussutissarsiornermut, Suliffeqarnermut Niuernermullu Naalakkersuisoqarfimmut aamma Peqqissutsimut Naalakkersuisoqarfimmut tusarniaassutigineqarpoq.

Tusarniaanermut akissuteqarnissamut piffissaliussap qaangiunnerani Inuussutissarsiornermut, Suliffeqarnermut Niuernermullu Naalakkersuisoqarfimmit aamma Peqqissutsimut Naalakkersuisoqarfimmit akissutisoqarpoq.

Oqaaseqaatit tiguneqartut ataani nalinginnaasumik allanneqarput, Naalakkersuisut akissutaat *uingasumik* allanneqartut.

Inuussutissarsiornermut, Suliffeqarnermut Niuernermullu Naalakkersuisoqarfik nioqquitsa-  
nik eqqussuinermi akitsuutit pillugit Inatsisartut inatsisaata allanngortinneqarneranik siunner-  
suummut oqaaseqaatissaqanngilaq. Siunnersuut nersussuit aamma puulikit nujuitsut neqaan-  
nik nunatsinni agguillunilu suliareqqiilluni tunisassiulernissamik kinguneqassappat tamanna  
naalakkersuisoqarfiup pitsasuussangatippaa.

Naalakkersuisoqarfiulli toqoraavimmut Neqimut Narsamiittumut innersuussinermut, aammalu  
nersussuit aamma puulikit nujuitsut ilivitsuillugit affaatillugillu eqqunneqarneranni akit-  
suusigaanngissinnaanerannut tunngatillugu oqaatigaa, Neqip periarfissamik taassuminnga  
maannamut annertuumik atusimanissa Naalakkersuisoqarfimmit ilisimaneqanngitsoq. Aker-  
lianik Naalakkersuisoqarfiup ilisimavaa Neqi kalaallit savaaraataannik pilersorneqarnerup  
annikilliartorneratigut unammilligassaqaleriartortoq, taamaammallu neqit nunanit allaneersut  
kalaallit savaaraataasa neqaannik taarserneqarnissaat ajornartorsiutaasinnaasoq.

*Naalakkersuisut naatsorsuutigaat siunnersuut toqoraaviit neqaarniarfiillu nersussuit puulu-  
killu nujuitsut neqaannik aggisarnissaannut suliareqqiisarnissaannullu pilerinarsaataassa-  
soq, nersussuimmi puulukillu nujuitsut ilivitsuillugit affaatillugillu eqqussorneranni akit-  
suummit akiliinnginnissamut periarfissaq atuutitiinnarneqartussaammat, taassumalu ilutigi-  
saanik neqit aggoriikkat eqqussorneqartut akisunerulersussaammata.*

Naalakkersuisoqarfiuttaaq kissaatigaa siunnersuutip aningasatigut sunniutissai pillugit im-  
mikkoortumi allassimasariaqartoq, pingaartumik neqit akitsuutaannik qaffaaneq aningasar-  
siakitsunut inoqutigiinnullu aningasarsiamik ilaannik ileqqaarnissamut periarfissaqanngitsu-  
nut aningasatigut nammakkersuinerussasoq.

*Akitsuutinik qaffaanerit pisiassat akii aqqutigalugit nioqququtissanik pineqartunik atuisartunit akilerneqarnissaat Naalakkersuisut naatsorsuutigaat. Naalakkersuisulli naatsorsuutigaat atuisartut neqinik eqqussorneqartunik atuinermik ilaa kalaallit tunisassiaannik atuineralernermikkut taarsissagaat. Ilutigitillugu naatsorsuutaavoq toqoraaviiit neqaarniarfullu nersussuar-nik puulukinillu nujuitsunik eqqussorneqartunik agguisarnermk suliareqqiisarnermillu aallutaqarnerusalissasut, nersussuummi puulukillu nujuitsut ilivitsuutillugit affaatillugillu eqqus-sorneranni akitsuummik akiliinnginnissamut periarfissaq atuutitiinnarneqartussaamat.*

Peqqissutsimut Naalakkersuisoqarfik snusit/sukuluut kiisalu sukkut akitsuutaannut tunngatil-lugu oqaaseqaatissaqanngilaq.

Akerlianilli Peqqissutsimut Naalakkersuisoqarfiup isumakulunnartoqartippaa neqit eqqussor-neqartut akitsuutaasa qaffanneqarnerat inuit peqqissusiannut sunniuteqarnerlussinnaasoq, ne-qimmi tunisassianik orsoqarnerullutilu tarajoqarnerusunik akikinnerusunik taarserneqarsin-naammata. Orsup akitsuuserneqarsinnaanerata periarfissatut allatut eqqarsaatigineqarnissaa Peqqissutsimut Naalakkersuisoqarfiup inassutigaa.

*Orsoq akitsuusersorneqalissappat tamanna teknikkikkut sulinikkullu annertuunik unammilli-gassaqarfiussoq naatsorsuutigineqarsinnaavoq. Neqit eqqussorneqartut akitsuutaasa siun-nersuutigineqartut, inatsisissatut siunnersuutip saqqummiunneqarneraniit atuutilersumik ta-manna tunngavigalugu taarserneqarnissaat piviusorsiorttuusorinanngilaq.*

*Tassungattaaq ilutigitillugu Naalakkersuisut naatsorsuutigaat atuisartut neqinit nioqququtissia-nik avataaneersunik atuinermik ilaa kalaallit tunisassiaannik, nalinginnaasumik peqqinnar-nerusutut isigineqartunik atuinissamik taarsissagaat.*

*Inuussutissarsiornermut, Suliffeqarnermut Niuernermullu Naalakkersuisoqarfimmum akissut aamma innersuussutigineqarpoq.*

## **Inatsisissatut siunnersuummi aalajangersakkanut ataasiakkaanut oqaaseqaatit**

### *§ 1-imut*

*Nr. 1-imut (§ 1, imm. 1, nr. 2)*

Sukkulaatit sukkulaatinillu nioqqtissiat sukkullit, mamakujuttut il.il. eqqussuinermi akitsuut pillugit inatsimmi § 1, imm. 1, nr. 2 naapertorlugu akitsuusigassaapput. Akitsuut oqimaasuseq malillugu akitsuutaavoq, kiilumullu akitsuut 29,00 kr.-iulluni. Akitsuut 1992-imili al-lanngortinneqarsimanngilaq.

Siunnersuutaavoq sukkulaatit sukkulaatinillu nioqqtissiat suulluunniit (cacao pinnagit), lakridsit lakridsinillu nioqqtissiat suulluunniit, marcipanit marcipaninillu nioqqtissiat suulluunniit, karamelit, bonbonsit, sukkuuaqqat assigisaallu, sukkullit sukkoqanngitsullu akitsuataat kiilumut 29,00 kr.-iusoq 100 procentimik qaffallugu kiilumut 58,00 kr.-inngortinneqassasoq.

*Nr. 2-mut (§ 1, imm. 1, nr. 9)*

Tupat pujortagassallu allat (sikaat, sikaavaaqqat, cigarillosit, sikaritsit, tupat sikaritsinullu imu-sivissat il.il.) eqqussuinermi akitsuutit pillugit inatsimmi § 1, imm. 1, nr. 7-10 naapertorlugit akitsuusigassaapput.

Siunnersuutaavoq sukuluut aamma snusit, tupanit nioqqtissiatut allatuulli eqqussuinermi akitsuuserneqartalissasut. Sukuluut tassaapput tupat imusat, silittut, amitsut, kipparissut imaluunniit naqitat pujortagassaanatik tamuasassatut immikkut suliaasut, niuertarfinnilu tuninia-gassatut poortugaasut. Snusit tassaapput tupat pujoralaat imaluunniit tupat immikkut suliaasut pujortagassaanatik najuussugassat. Snusit aamma puussiaaqqanut qanermut ilisassatut suliaasunut poortorlugit tuniniarneqarsinnaapput.

Sukuluutut snusitulluunniit aamma isigineqarput nioqqtissat tupaannaanngitsunik akullit, aammaluu sukuluut snusillu suunerinik siuliini nassuiarneqartutut ittut.

Aamma tupat pujoqanngitsut allat akitsuusigassaanissaat siunnersuutaavoq. Tupat pujoqanngitsut allat tassaapput tupanut taarsiullugit suliaasut, soorlu pujortagassatut akuukkat tupanik imaqanngitsut. Tupat isseri, tupanit qajuusaasiat kiisalu pujortagassat allat, soorlu "vandpibennut tupassat", tupanut taarsiutaannarnik tupaanngitsunillu allanik imallit.

Isserit il.il. tupanut pujoqannngitsunut, soorlu sikaritsinut elektroniskiusunut immiussat, tapanik pujortarfiusinnaanngitsut, najuussuiffiusinnaanngitsut tamuaneqarsinnaanngitsut allatuluunniit iineqarsinnaanatilluunniit kukunneqarsinnaanngitsut akitsuusigassanut ilanngillat.

Akitsuut fakturami nalingisa 300 procentiannik angissusilerneqarpoq, tassa tupanit nioqqutisiat allat akitsuusersugaanerannut naapertuutikannersumik.

*Nr. 3-mut (§ 1, imm. 1, nr. 27)*

Qummoroortartut eqqussorneqarneranni akitsummik atuutilersitsinissaq siunnersuutaavoq.

Qummoroortartut matumani pineqartut taamaallaat tassaapput qummoroortartut nuannaarniutit atugassiat, Qummoroortaatnik toqqortaqrartarneq pillugu Namminersornerullutik Oqartussat nalunaarutaanni nr. 19, 9. december 2004-meersumi § 2-mi nassuiardeqartut.

Akitsuut nalingat malillugu akitsuutit fakturami nalingisa 100 procentiannut angissusilerneqarpoq.

*Nr. 4-mut (§ 5)*

Inatsisartut inatsisaanni attuuttumi § 5 Kalaallit Nunaanni pinerluttulerinermik inatsimmi kapitali 31-mut innersuussinermik imaqarpoq. Pinerluttulerinermik inatsisip nutaap 1. januar 2010-mi atortulerneratigut innersuussineq taanna eqqoqqissaarunnaarpoq. Arsaarinnitarneq pillugu aalajangersakkat Kalaallit Nunaanni pinerluttulerinermik inatsimmi nutaami kapitali 37-miippuit. Taamaammat innersuussutip iluarsineqarnissaa siunnersuutaavoq. Taassuma saniatigut siunnersuutaavoq akiliisitsissutit pigisallu arsaarinnissutigineqartut Landskarsip pisasarissagai.

*Nr. 5-imut (§ 8, imm. 3)*

Inatsisartut inatsisaanni attuuttumi § 8, imm. 3 Kalaallit Nunaannut eqqartuussisarnermik inatsimmi kapitali 5-imut innersuussinermik imaqarpoq. Eqqartuussisarnermik inatsisip nutaap 1. januar 2010-mi atortuulerneratigut innersuussineq taanna eqqoqqissaarunnarpoq. Pi-neqaatissiisoqarnissaanik unnerluussisarneq pillugu aalajangersakkat Kalaallit Nunaannut eqqartuussisarnermik inatsimmi nutaami kapitali 38-miippuit. Taamaammat innersuussutip iluarsineqarnissaa siunnersuutaavoq.

*§ 2-mut*

Inatsisartut inatsisaata saqqummiunneqarnermini atortuulernissaa siunnersuutigineqarpoq. Taman na akitsuutinik qaffaaneq pissutigalugu nioqqtissanik pineqartunik eqqussuipallattoqarsinnaaneranik pinngitsoortitsiniarnermik pissuteqarpoq.